

OKVIRNI SPORAZUM SUKCESIVNA NABAVKA TONERA, KETRIDŽA I RIBONA

Strane u okvirnom sporazumu:

MINISTARSTVO UNUTRAŠNJIH POSLOVA KANTONA SARAJEVO – UPRAVA POLICIJE, La Benevolencija br. 16. koju zastupa policijski komesar ~~Generalni inspektor~~ policije Fatmir Hajdarević, (u daljem tekstu: Ugovorni organ)

i

ALF-OM d.o.o. Banja Luka, Vojvode Radomira Putnika 38, 71123 I. Sarajevo, ID broj: 4400810890005, kojeg zastupa direktor Darko Suvajac, (u daljem tekstu: Dobavljač)

Član 1.

Strane u okvirnom sporazumu saglasno konstatuju:

- da je Ugovorni organ u skladu sa Zakonom o javnim nabavkama ("Službeni glasnik BiH", broj 39/14, 59/22 i 50/24) proveo otvoreni postupak za sukcesivnu nabavku tonera, ketridža i ribona za potrebe Uprave policije Ministarstva unutrašnjih poslova Kantona Sarajevo, sa ciljem zaključivanja okvirnog sporazuma sa jednim ponuđačem na period od 12 (dvanaest) mjeseci.
- Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma, u zavisnosti od potreba Ugovornog organa, a pod uslovima utvrđenim u ponudi ponuđača broj 0038/26 od 19.08.2026. godine.

Član 2.

Predmet okvirnog sporazuma je utvrđivanje uslova za zaključivanje pojedinačnih ugovora o javnoj nabavci tonera, ketridža i ribona za potrebe Uprave policije Ministarstva unutrašnjih poslova Kantona Sarajevo u skladu sa uslovima iz tenderske dokumentacije, ponudom Dobavljača, odredbama ovog okvirnog sporazuma i stvarnim potrebama Ugovornog organa. Količine navedene u specifikaciji su okvirne i vrijede za vrijeme važenja okvirnog sporazuma.

Član 3.

Ukupna vrijednost ovog okvirnog sporazuma bez PDV-a iznosi 128.000,00 (jednastotinadvadesetosamhiljada i 00/100) KM.

Cijene su fiksne i ne mogu se mijenjati za vrijeme važenja ovog okvirnog sporazuma.

Dobavljač se obavezuje na nepromjenjivost ponuđenih cijena tokom cijelog ugovorenog perioda i da će pod istim uslovima u periodu trajanja ovog ugovora vršiti isporuke predmetnih roba, za potrebe Uprave policije Ministarstva unutrašnjih poslova Kantona Sarajevo.

Na osnovu Izvještaja o toku i završetku E-aukcije od 08.07.2026. godine, cijena svake stavke je umanjena za 48,48% u odnosu na cijene iz Ponude i iste se nakon toga ne mogu mijenjati ni pod kojim uslovima.

~~Pojedinačni ugovori unutar Okvirnog sporazuma mogu se zaključivati samo do iznosa ukupne~~ vrijednosti Okvirnog sporazuma, dakle okvirni sporazum prestaje sa važenjem utroškom cjelokupne vrijednosti Sporazuma i ne može premašiti ugovorenu vrijednost na koju je Okvirni sporazum sklopljen.

Ukoliko Ugovorni organ potroši svoja naprijed navedena sredstva za realizaciju predmetne nabavke i prije isteka roka na koji je sklopljen Okvirni sporazum, isti će se smatrati automatski raskinutim sa danom posljednje izvršene isporuke, odnosno plaćanja fakture za isto.

Član 4.

Nakon zaključenja okvirnog sporazuma, Ugovorni organ će zaključiti pojedinačne ugovore o javnim nabavkama.

Pri zaključivanju pojedinačnih ugovora, ne mogu se mijenjati bitni uslovi iz ovog okvirnog sporazuma.

Robe iz člana 2. ovog okvirnog sporazuma će se isporučivati sukcesivno, u skladu sa potrebama Ugovornog organa.

Član 5.

Dobavljač je dužan da robu isporuči u roku od 2 (dva) dana od dana dostavljanja/prijema narudžbenice, započevši najranije nakon obostranog potpisivanja ugovora.

Sve troškove isporuke do primopredaje, kao i troškove reklamacije snosi Dobavljač.

Roba će se isporučiti na adresu Ugovornog organa, Jedinica za saobraćaj, Zmaja od Bosne 9, 71000 Sarajevo.

Član 6.

Prilikom isporuke robe koja je predmet ovog okvirnog sporazuma, ovlaštena osoba Dobavljača je obavezna ovlaštenoj osobi ispred Ugovornog organa dostaviti otpremnicu za isporučene robe (po vrsti i količini) u dva primjerka, koja je uredno ovjerena i potpisana od strane ovlaštene osobe Dobavljača. Po prijemu robe otpremnicu potpisuje i ovlaštena osoba Ugovornog organa, zadužena za prijem robe u magacinu.

O isporučenoj robi bit će sačinjen zapisnik o kvantitativnom i kvalitativnom prijemu (čiji će sastavni dio biti otpremnica). Zapisnik se sačinjava u dva istovjetna primjerka, od kojih jedan zadržava Ugovorni organ, a jedan Dobavljač. Zapisnik će biti potpisan od strane ovlaštenog lica Ugovornog organa i od strane ovlaštenog lica Dobavljača.

Ukoliko lice zaduženo za prijem robe konstatuje određene nedostatke u kvalitetu ili kvantitetu isporučene robe, neće se sačinjavati zapisnik o prijemu, već će se sačiniti zapisnik o reklamaciji, koji Ugovorni organ dostavlja Dobavljaču.

Ovlaštene osobe ispred sporazumnih strana će biti određene i strane međusobno obavještene o tome, u roku od 10 (deset) dana od dana potpisivanja prvog pojedinačnog ugovora.

Član 7.

Ako na tonerima/kertridžima/ribonima/drumovima bude vidljivih oštećenja ili rasutog praha/tinte, tretiraće se kao neispravni i neće biti prihvaćeni.

Prilikom isporuke predmetna roba mora biti u originalnom pakovanju, sa deklaracijom proizvođača, shodno Zakonu o zaštiti potrošača BiH. Nakon dodjele ugovora najpovoljnijem ponuđaču, prilikom isporuke robe, vršit će se kvalitativna i kvantitativna provjera da li isporučena roba ispunjava sve uslove iz ove tenderske dokumentacije.

Na pakovanju mora biti otisnut/odštampan naziv i logo proizvođača, naznačen model tonera/kertridža/ribona/druma i model uređaja za koji je toner/kertridž/ribon/drum namijenjen.

Ukoliko se neki od ovih podataka ne nalazi na pakovanju kako je opisano, takav toner/kertridž/ribon/drum neće biti prihvaćen.

Ponudeni/isporučeni toneri/kertridži/riboni/drumovi moraju biti dovoljnog kapaciteta da odštampaju minimalno broj stranica koji je zahtijevan u Obrascu za cijenu ponude – Aneks III.

Garantni rok, koji teče od dana isporuke, za sve tonere/kertridže/tinte je minimalno 12 mjeseci.

Svi ponudeni/isporučeni toneri/kertridži/riboni/drumovi moraju u uređajima Ugovornog organa raditi na način da neće uzrokovati smetnje u svakodnevnom radu. Smetnje u svakodnevnom radu uređaja su zastoji uzrokovani neadekvatnim tonerima/kertridžima/ribonima/drumovima, poruke na ekranu uređaja koje sugerišu da je toner neispravan, prljanja uređaja, curenje tonera ili tinte uzrokovana upotrebom neadekvatnih potrošnih materijala.

Dobavljač je odgovoran za naknadu štete Ugovornom organu koja nastane zbog nepravilnosti ili neadekvatnosti isporučenog tonera.

Ugovorni organ neće dobavljaču vraćati potrošene tonere/kertridže/ribona nakon upotrebe.

Član 8.

Dobavljač se obavezuje priznati reklamaciju na kvantitet i kvalitet isporučene robe, koja će biti proračunata zapisnikom o reklamaciji uz obavezno navođenje nedostataka isporučene robe i datuma i broja računa (otpremnice) Dobavljača kako bi se zadovoljili uslovi reklamacijskog roka. Roba će se smatrati uredno isporučenom tek kada u zapisniku o prijemu bude konstatovano da je primopredaja izvršena bez primjedbi.

U slučaju osnovanih primjedbi na ispunjenje sporazumnih obaveza Dobavljača, konstatovanih u zapisniku o reklamaciji, Dobavljač je dužan da o svom trošku učini sve da te nedostatke otkloni u što kraćem roku, koji će mu u zapisniku odrediti Ugovorni organ.

Član 9.

Ugovorni organ će ugovorenu cijenu plaćati Dobavljaču u roku od 30 (trideset) dana od dana uredno izvršene isporuke robe i dostavljanja pojedinačne fakture, na račun Dobavljača.

Član 10.

U slučaju kašnjenja u isporuci roba, do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 0,03% vrijednosti naručene robe, za svaki dan kašnjenja do urednog ispunjenja, s tim da ukupan iznos ugovorne kazne ne može preći 10% od ukupno ugovorene vrijednosti koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile.

Član 11.

Ukoliko poslije zaključenja ovog okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih Okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u okvirnom sporazumu pogođena višom silom odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 12.

Ugovorni organ zadržava pravo raskida Okvirnog sporazuma ukoliko isporučena roba u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Sporazumne strane su saglasne da svaka strana može jednostrano raskinuti ovaj okvirni sporazum i unutar njega zaključene pojedinačne ugovore i zadržati pravo na naknadu štete zbog raskidanja okvirnog sporazuma/ugovora u slijedećim slučajevima:

- ako Dobavljač kasni sa isporukom, a zakašnjenje nije posljedica vanrednih okolnosti (više sile);
- ako Dobavljač dođe u situaciju da ne može ispoštovati okvirni sporazum/ugovor (stečaj, likvidacija i sl.);
- ako neka od sporazumnih/ugovornih strana svoje dospjele obaveze ne ispuni ni u naknadno prihvatljivom roku za sve sporazumne/ugovorne strane;

- ako je iz okolnosti posla jasno da jedna od sporazumnih/ugovornih strana neće moći ispuniti svoju obavezu i onda kada bilo koja sporazumna/ugovorna strana izjavi da svoju obavezu neće ispuniti.

Obavještenje o jednostranom raskidu okvirnog sporazuma i unutar njega zaključenog pojedinačnog ugovora mora se dostaviti drugoj sporazumnoj/ugovornoj strani isključivo u pismenom obliku.

Član 13.

Dobavljač nema pravo zapošljavati, u svrhu izvršenja Okvirnog sporazuma i unutar njega zaključenih pojedinačnih ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija ugovornog organa za javne nabavke, najmanje 6 (šest) mjeseci po zaključenju ovoga okvirnog sporazuma, odnosno od početka realizacije Okvirnog sporazuma.

Član 14.

Ovaj okvirni sporazum se zaključuje na period od 12 (dvanaest) mjeseci, a stupa na snagu danom obostranog potpisivanja.

Na sva pitanja koja nisu regulisana ovim okvirnim sporazumom, primjenjivat će se odredbe Zakona o obligacionim odnosima.

Član 15.

Eventualno nastale sporove pri realizaciji ovog okvirnog sporazuma, strane u Okvirnom sporazumu će rješavati sporazumno, a ukoliko to nije moguće, utvrđuje se nadležnost Suda u Sarajevu.

Član 16.

Ovaj okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.


direktor, Đurko Suvajac


POLICIJSKI KOMESAR
Generalni inspektor policije
Fatmir Hajdarević

Broj: 093/26
Datum: 27-08-2026

Broj: 02-11-4-3010-7/26
Datum: 21.08.2026. godine